




吉林通志卷十八

輿地志六

山川一 山上

吉林府

伊通州 敦化縣附

長白山

國語曰果勒敏珊延阿林

果勒敏長也珊延白也阿林山也

在吉林城

東南六百餘里

據盛京通志及大清一統志舊志謂一千三百餘里非是橫互

千餘里

滿洲源流考

本漢元菟郡境

東塾集漢書地理志元菟郡西蓋馬縣馬

訾水西北入鹽難水按馬訾水今鴨綠江源出長白山是長白山乃漢西蓋馬縣境之山也漢書於近塞

之水出塞外者必著之馬訾水不云出塞古名不咸

外則水原在塞內即長白山在塞內明矣山名曰不咸有肅慎氏之國晉書東夷傳肅慎氏一名挹婁在不咸

山北通典挹婁卽古肅慎其國在不咸山北漢曰單單大嶺後漢東夷傳昭帝始元五

年元菟徙句驪自單單大嶺以東沃沮濊悉屬樂浪後以境土廣遠復分領東七縣置樂浪東部都尉建

武六年省都尉官遂棄領東地源流考按單單與魏滿洲語善延相近疑卽長白山也按領古嶺字

曰蓋馬大山魏志東沃沮在蓋馬大山之東按長白山爲漢西蕃馬縣境之山則魏志之蓋

馬大山爲長白山無疑通志一統志以漢之蓋馬爲唐之蓋牟謂今蓋州地蓋以聲相近附會之與漢書

水道不合後魏曰太白山又曰徒太曰從太曰太皇今不取

皆一山也魏書勿吉傳勿吉國南有徒太山魏言太白有虎豹熊狼不害人人不得山上淩污

行逕山者皆以物盛去北史靺鞨傳靺鞨國南有從太山者華言太皇俗甚敬畏之新唐書靺鞨傳靺鞨

七部粟末居最南抵太白山亦曰徒太山與高麗接又渤海大氏度遼水保太白山之東北阻奧婁河樹

壁自其名曰長白山則自金始契丹國志長白山在冷山東南千餘里乃

白衣觀音所居又曰白山金史世紀女直地有混同其山禽獸皆白

龍江所謂白山黑水是也又昭祖耀武至於長白山入於率賓扎蘭之地舒嚕傳昭祖耀武至於青嶺白

山在元開元路舊會甯縣南六十里明三萬衛東北

千餘里明一統志東至甯古塔西至奉天府諸山皆

發脈於此一統志山高約百里山頂有池五峯圍繞源

考如屏南一峯稍下如門中潭杳窈距岸五十丈許

一統志周圍約三四十里山之四周百泉奔注盛京舊志

西南流入海者爲鴨綠江東南流入海者爲圖們江

北流入海者爲混同江一統志按明一統志云山高

闊深莫測南流爲鴨綠江北流爲混同江東流爲愛
呼河考天下之山未有高至二百里者明志所云殆

出傳聞其潭曰闔門今實測所得裁周二十九里有半與通志三四十里不甚相懸明志云八十里亦約略之詞也愛呼原作阿也苦今無其名恭讀高宗盛京賦云粵我清初肇長白山鴨綠混同愛濤三江出焉則愛呼當卽金大定十二年封長白山神圖們古今稱名之異耳

爲靈應王明昌四年册爲開天宏聖帝

本朝考正祀典尊爲長白山之神康熙十七年奉旨遣大臣武穆訥等登山相視二十三年復

遣駐防協領勒輒等周圍相山形勢其巔不生他樹草多白色南麓蜿蜒磅礴分爲兩幹其一西南指者東界鴨綠江西界佟家江麓盡處兩江會焉其一遶山之西而北互數百里以其爲眾水所分

一統志

舊謂之分水

嶺西至於

興京邊茂樹深林幕天翳日者土人呼爲納嚕窩集從此西入

興京門遂爲

啟運山自納嚕窩集而北一岡袤四十餘里者土人呼

爲果爾敏珠敦

珠敦嶺也

卽長嶺也復西指入英額門遂

爲

天柱

隆業二山回旋盤曲虎踞龍蟠其間因地立名爲山爲嶺者不一皆此山之支裔也山之靈異自昔爲昭而

神聖發祥於今爲盛萬世鴻基與天無極矣

源流考

東團山城東十里在松花江南岸與西團山左右對

峙高圓相等

尼什哈山城東十二里周十里高三百步

盛京通志 一

名龍潭山曰尼什哈者

國語謂小魚也山之東北有河出小魚山因以名四面

陡壁西北有車道盤旋而上至其巔雜樹交蔭希見

陽景南行百餘步路旁有一池石砌相傳謂鯽魚池

北有龍潭周五十餘步水色深碧雨不溢旱不減周

圍山高林密遮羣水面望之寂然以繩繫石投之數

十丈未得其底潭西南有二石穴外狹內闊伏而入
劣可容身無敢深入者探之黑暗有風又東南林內
有樺木一株高九丈餘圍二尺上下標直枝葉翦齊
乾隆十九年

高宗純皇帝東巡封爲神樹春秋二仲月與龍潭同日祭之

吉林吉林將軍凡祈雨晴皆於是
外紀
高宗山上
御製詩注

舊有城周二里今不存

南大尖山城東三十里

代王礪子城東高六十餘丈周二十餘里

牛頭山城東高三十餘丈周八里餘

侯嶺城東三十五里

上峯城東五十里

拉發峯城東一百五十二里高五里周二十里峯前有洞人不能到

長嶺一名張廣才嶺卽嵩嶺也城東二百十里東西三十餘里層松飾巖列柏綺望南自長白北至賓州一千三百里橫亘數十里綠天樹海蔚爲鉅觀府與敦化縣分界於此

伊蘭茂

伊蘭數之三也茂樹也

山城東南七里餘上有伊蘭茂

城

巴延

也 豐富

山城東南三十里

楊木頂子城東南七十八里

啞叭嶺城東南九十里

雅們

衙門也

山城東南一百里

堪達

牛項下輓皮也

山城東南一百三十里臺綠哩河流經

其北

伊努

甚是也

山城東南一百七十里高五里周三十里

康大臘山城東南一百七十里

關門礮子山城東南一百七十里

杪松頂子山城東南一百八十里

大青背山城東南一百九十一里

尖山子城東南二百一里

煙筒礮子山城東南二百六十里

額敦風也山城東南三百里高六十里周八十里東南

富爾瑚河及飛虎河俱發源於此

上下帽兒山城東南三百里

寒葱頂子山城東南三百餘里高六十餘丈周十五里

沙爾哈達

沙爾卽撒喇織也哈達峯也

大山城東南三百餘里高

八十餘丈周五十餘里

呼蘭也竈突 峯城東南三百二十里

卧牛石城東南三百二十里

巴延博多和博多和計算也山城南二十里高二里周十里

阿濟格也小山城南三十三里高一百五十步周五里

餘

小風門山城南四十里

佛爾們也大轟山城南四十五里

雙鳳嶺城南五十里

大風門山城南六十里

廟嶺城南九十里

固拉庫

陡崖也又峭澗也

峯城南一百五十里

瑪琿

肘也

嶺亦曰瑪延達哈巴城南一百六十里

瑚蘭

野驛也

峯城南二百里

聖音吉林

聖音山崖也吉林沿也

峯城南三百七十里高一

步周一里上有輝發城

那爾轟

細也

山城南四百里高十餘丈

佛斯亨

甌也

山城南四百里索勒和等河俱發源於此

費德哩

倚傍也

山城南五百里高二十里周四百餘里

紅石礮子山城南五百餘里山之西南有河曰紅石

礮子河

歪頭礪子山城南五百餘里山之西南有河曰歪頭
礪子河東接帽兒山自頭道溝迤東至二十一道溝
抵朝鮮界

南埒克

勒克礪石也

山城南六百五十里高五里周十五

里

分水嶺城南八百里亦名黑林嶺卽長白山南麓一
榦盤曲西北指者有三泉自谷中湧出卽佟家江源
黑嶺城南九百七十里

青嶺城南一千七十里

西團山城西南五里高一百餘步

溫德赫恩

祭祀祝板也

一曰溫德亨山又名望祭山城西

南九里高一百五十步周五里每歲春秋於山上望

祭長白山之神雍正十一年建望祭殿於此

汪由敦長白山望祭樂章天作高山兮麗扶桑鍾王

氣兮應期昌巡豐沛兮來望躬禋祀兮虔將

右迎神

飮黃流兮進初觴緬仙源兮心邀莊藹佳氣兮鬱蔥

蔥欣來格兮惠無疆

右初獻

朱果兮實繁靈淵兮澤

長清尊兮再獻綿祚兮純常

右亞獻

具薦兮玉饌三

酌兮瓊漿思王跡兮彌欽清緝熙兮敢忘

右終獻

松

花水兮湯湯鴨綠波兮泱泱神飫兮錫釐如川至兮

莫量

右徹饌

祀事兮孔臧昭格兮永明邁周岐兮越

殷上萬有千歲兮長發其祥

右送神泉文集三

松

元家博多和山城西南十五里高一里餘周四里

磨盤山城西南四十里高五里又一在伊通州

王和尚嶺城西南四十里高五十丈

青山城西南四十五里高五里餘

鄂哈

花鱒魚也一作鄂恰誤

山俗曰鰲花山城西南五十里高

二里

阿呼峯城西南五十里高一百三十步周二里

紅石岩城西南五十四里高五里

官馬山城西南六十里

馬鞍山城西南七十里高十里與磨盤山連

歪頭礮子山城西南八十里高八里

杏山城西南八十五里高二里

平頂山城西南九十里高三里

大黑山城西南一百里高三里

磬兒嶺城西南一百里高五里

摩天嶺城西南一百十里高五里

瑪琏河大嶺城西南一百二十里高五里

鷹嘴礮子山城西南一百二十里高五里